

لأنك حبيبتى

و لأن مفيش جوه منى

غيرك انت..

..

و لأنك حبيبتى

و امى و بنتى..

..

و لانك شرودى لو اتوه عن وجودى

و لما بعود تبقى انت مدينتى..

..

و لانك بقيتى ارضى و سمايا

و لو هحكى عنى

تبقى انت الحكايه..

..

و مهما اقولك اكيد مش كفايه

يا برى و بحرى

و موجى و سفينتى..

..

بحبك و نفسى من غير ما اقول

قلبك يصدق..

..

و مهما تشوفى و غيرى يقول

اكون عندك اصدق..



هواكى مالينى و مالك سنينى

و شايلك فى عينى

و عشقك ده مبدأ..

..

بحبك

و اقول تانى ايه

ما كل اللى فىا قايلك عليه..

..

و كل اللى مر فى حياتى عليا

اكيد تعرفيه..

..

و كل اللى جاى فى ايدك خيوطه

و بينده بصوته

يا ريت تسمعيه..

..

بحبك

راسمها و كاتبها و قايلها..

..

و ابوح لكل بيها

و ارجع اشيلها..



يا ساكنه العمر فيا
يا كل الدنيا ديه نهارها و ليها..
بحب ابتسامتك تكون شاده حيلها
و اموت لو حزننتي..

..

لأن مفيش جوه منى غيرك انت
لأنك حبيبتي
و امى و بنتى..

